



Otmar Oduber:

Cada caya di Dakota lo haya un mata di fruta na number di e caya



ORANJESTAD (AAN); Durante reunion di contacto na cas di famia Kock na Tamborstraat Otmar Oduber, den su calidad di minister a splica tur esnan presente e plannan cu tin pa embecece e bario aki, entre e plannan tin un aspecto hopi unico, cada caya lo haya un mata di fruta na number di e caya pa asina aki trece un poco di nos cultura back unda cu bisñanan ta comparti esakinan cu otro. E proyecto aki ta cay bou di e proyecto di 10 mil mata di Santarosa.

Aki el a conta tambe cu maneho hiba pa loke ta Santa Rosa ta dunando su frutonan den tur sentido y hasta opositornan ta duna e politico razon pa cu esaki. Inclusive tin algun di nan ta cu practica agricultura den nan propio cura di cas.

Otmar Oduber a indica tambe cu e tin un interes special pa yuda Dakota, esaki pasobra su casa a nace y biba den Dakota y door di esey e ta trece un sentimento di famia pe y ta

loke ta dune mas gana ainda pa yuda e bario aki.

Un otro tema cu e politico di AVP a bin cune ta cu oposicion tin circulando den boca di pueblo cu cu supuestamente e partido berde ta paga hende pa pega bandera na nan cas. Cu esaki nan ta demonstra di no tin mas argumento valido contra partido AVP y mester cuminsa traha storianan cu no ta berdad. "Den partido actualmente nos tin e problema cu bandera a bira un luho, pasobra e demanda ta asina grandi cu no tin mas bandera y ta awor nan ta na caminda".

Durante e anochi ameno aki e habitantenan di Dakota a haya e oportunidad pa trece nan preocupacion, pregunta y sugerencianan dilanti. Un sugerencia cu a capta e atencion e politico ta unda un dama a trece un idea fenomenal dilanti pa e maneho di Agricultura, esaki ta un plan cu Otmar Oduber lo considera sigur pa cu e plan di maneho nobo.



Palais Hindu TA BUSCA

SALES/CASHIER & CREATIVIDAD

- Persona ta traha y hasi part time/full time sales/cashier
- Persona ta duna servicio na cliente
- Persona ta decora i usa nan creatividad

Aplica na oficina di Palais Hindu: Engelandstraat #38
Tel: 582-4609 Fax: 582-4356 Email: lavind@gmail.com

Telefonnan di DIARIO